



Expediente: 754/2026

Asunto: Festa dos Maios 2026

DECRETO:

D. MANUEL FARIÑA SOUTO, CONCELEIRO DE CULTURA DE CALDAS DE REIS, NO DÍA DA DATA EMITIU A SEGUINTE RESOLUCIÓN:

CONSIDERANDO:

- O Concello de Caldas de Reis, co fin de preservar o patrimonio cultural e fomentar o interese polas actividades culturais tradicionais, pretende establecer as bases que rexerán a tradicional "FESTA DOS MAIOS".
- O día 27 de marzo o Departamento de Cultura e Xuventude emite un informe no que se propón a este Concelleiro a aprobación de ditas bases, previo informe da Intervención.
- O día 15 de abril, a Intervención do Concello de Caldas de Reis emite informe de fiscalización das bases do concurso "Festa dos Maios"

RESOLVO:

Primeiro: levantar o reparo de legalidade plantexado no Informe de Intervención de data 15/04/2026

Segundo: aprobar as seguintes bases:

O Concello de Caldas de Reis, co fin de preservar o patrimonio cultural e fomentar o interese polas actividades culturais tradicionais, establece as bases que rexerán a tradicional "FESTA DOS MAIOS":

1.- A Festa dos Maios celebrarase o día 1 de maio ás 12.00 horas, na Praza das Palmeiras de Caldas.

2.- Poderán participar tódalas asociacións culturais, colexios, grupos, colectivos veciñais, entidades e persoas que o desexen.

3.- Por cada maio haberá un mínimo de catro participantes, sin límite de idade, que interpretarán unha copla orixinal con temática libre, quedando excluídas as letras de carácter ofensivo contra a dignidade das persoas.

4.- Para participar no concurso, presentarse no lugar un maio elaborado cunha estrutura de madeira, e engalanado con materiais tradicionais: sacos de esparto, musgo, arpilleira, xestas, flores silvestres, ovos, fiuncho, froitas, etc.

5.- Os maios e os participantes deberán estar expostos no lugar do concurso trinta minutos antes da hora de comenzo, alí deberán cubrir unha ficha de inscrición na que constará o nome



do maio, o nome dos participantes, e no caso de que tódolos participantes sexan menores de idade, terán que presentar o nome e DNI dun representante maior de idade. Así mesmo, deberán presentar ó xurado catro copias da letra das coplas que van interpretar.

6.- No apartado de coplas, o xurado terá en conta a retransca, o inxenio e o ritmo, e serán penalizadas as copias de coplas de anos anteriores.

7.- No apartado de interpretación terase en conta o vestiario, a posta en escea, a sincronización e a afinación das voces, así como o acompañamento con paus, pandeiros, etc., e o uso de prendas que estean de acordo con modelo tradicional.

8.- O xurado estará presidido polo Concelleiro de Cultura do Concello, e estará integrado por un número total de membros entre tres e cinco, nomeados entre representantes das asociacións e entidades representantes da vila.

9.- Establécense tres premios de 200 euros cada un deles:

🕒🕒 Mellor maio engalanado

🕒🕒 Mellor copla

🕒🕒 Mellor interpretación

O gasto derivado desta convocatória resulta imputable á aplicación orzamentaria 3389 48100.

10.- O xurado pode declarar deserto algún dos premios ou outorgar máis dun premio ao mesmo maio. Así mesmo calquera dúbida na interpretación destas bases será resolto polo xurado durante o acto, sendo a súa decisión inapelable.

11.- O xurado poderá establecer un premio ou accésit de 200 euros, a maiores dos premios establecidos no punto 9 que será incompatible con estes. Este premio concederáse no caso de que houbera un maio participante que destacara en algunha das categorías reflexadas no punto 9 e non fose premiado.

12.- Tódolos maíos participantes que non acaden algún dos premios do apartado 9 ou 11, recibirán un premio por participar de 60 euros. Si o número de maíos participantes e non premiados conforme a Base 9 fose superior a dez, o importe do premio por participación será o resultante de dividir 600 € entre o número de participantes.

13.- O día do concurso entregarase un xustificante do premio, que terá que ser remitido totalmente cuberto ao Concello, para proceder ao pago mediante transferencia bancaria. O nome do responsable deberá coincidir cos datos dun dos titulares da conta bancaria. A entrega dos xustificantes dos premios no Concello, deberá facerse antes de 30 días naturais, contados a partir do día do concurso. De non cumprir este prazo, entenderase a renuncia a dito premio.

14.- Conforme a normativa vixente, o Concello de Caldas remitirá a Axencia Estatal da administración tributaria, aquela información relativa as subvencións ou axudas concedidas.

15.- Ó remate do concurso, os participantes deberán retirar o maio e, en caso de non facelo, procederase á correspondente sanción.

16.- Para darlle un realce maior a esta festa, e como se facía tradicionalmente, animáse a tódolos grupos para que expoñan os maíos e canten as súas coplas nas prazas, e fagan o percorrido polas rúas de Caldas.



17.- Os participantes, no momento da inscrición aceptan a difusión en redes sociais, medios de comunicación, etc, das imaxes dos maíos, así como a interpretación das cantigas e os seus interpretes.

18.- A participación neste concurso leva implícita a aceptación das presentes bases

Terceiro.- Establecer a cantidade a repartir en premios de 1400 euros tal e como se explica nas bases, e de acordo co informe de fiscalización emitido pola Intervención do Concello de data 15/04/2025.

Cuarto. - Publicar as bases no taboleiro de anúncios da Sede Electrónica do Concello, redes sociais do Concello, cartelería e remisión a medios de comunicación.

Mándao e asíno o Concelleiro de Cultura D. Manuel Fariña Souto, certificando a Secretaria este Decreto cuxo número e data figuran á marxe aos efectos de fe pública

